

خبر الکلام

صاحب امتیاز و مدیر مسؤول:
حسین شمی

سر محرری:
احمد شیرانی

۲۵ محرم

۱۲ کانون اول

ماقبل و دال

[پنجشنبه کونلری]

قل الخیر والافاسکت

[نشر اولنور]

بو آیت جلیله‌نک انوار قدسیه سندن مقبس
بولمقدده در .

مرویدرکه : غزاة مسلمین مکة مکرمه
فتح ایتدکلری کون حضرت بلال کعبه‌نک
اوزرینه حقیقه‌رق اذان اوقومغه باشلانجه عتاب
بن اسد : [الله حمد اولسون که باهام وقتیه
اولدی ده بو کونلری کورمدی .] دیدی .
حارث بن هشام دخی : [حضرت پیغمبر شو
قارغهدن باشقه‌سی بوله مدعی .] دیه جناب
باله اشارت ایتدی . بونک اوزرینه انسانلرک
شرف و مزیتی حسب و نسب جهتیله ، الوان
واشکال حسبیله اولیوب انحق محاسن دینی ،
معالی اخلاقیه و فکریه اعتباریه اولدیغی بیان
ایچون اشبو یا ایها الناس . . .] نظم شریفی
نازل اولدی .

بو باده پر شاعر حکیمک :
« کن ابن من شئت و اکتسب ادبا
یغنیک محموده عن النسب
ان الفتی من یقول ها انا ذا
لیس الفتی من یقول کان ابی »
یبتلری نه کوزلدرد . دیسورکه : [ادب
قاذان ده کیمک اوغلی اولورسه اول . مزیت
ادب : سنی نسیبدن اغنا ایدر . یکیت اودرکه

نصایح قرآنیه

(یا ایها الناس انا خلقناکم من ذکر واتی
وجعلناکم شعوباً و قبائل لتعارفوا ان اکرمکم
عندالله اتقاکم ان الله علیم خبیر)

ترجمه

[ای ناس ! بن عظیم الشان سزی برارکاک
ایله بر دیشیدن یار ائدم و سزی شعبه شعبه ،
قبیله قبیله قیلیم تا که بر یکیزی طایفه سکنر .
سزک عندالله ذکریمک از زیاده متقی اولانک سزدر
شبهه یوق که الله تعالی علیمدر ، خبردر]

مطالعه

افکار بشریه نی سنور ، تکملات اجتماعیه
تامین ایچون بو آیت جلیله‌دن ده اعلوی بر
وسیله جلیله تصور اولنه ماز .

بو آیت کریمه‌دن آکلا شیلیور که نظر
اسلامیت ، تربیه اخلاقیه ، مزایای فکریه
و معنویه معطوف بولنور ، اسلامیتده انسانلر
ایچون حسب و نسب مدار تقوق و ترج اوله میور
رسالتماآب افتدیمزک [آن ربکم واحد
وابوکم واحد و لا فضل لعربی علی عجمی ولا
لعجمی علی عربی ولا لاجر علی اسود ولا
لاسود علی احمر الا بالتقوی] حدیث شریفی ده

نفسه اعتماد ایدرك ايشته بن شو کیمسه م دیر .
یوقسه بابام شویله ایدی دیه فخر ایدن یکیت
دکلدر .]

دیگر بر شاعر شیرین زبانك :

« از نسب آدمیانی که تفاخر ورزند
از ره دانش و انصاف چه دور افتادند
نرسد فخر کسی را بنسب بر دیگری
چونکه در اصل زبک آدم و حوا زادند .

بیتلری ده يك حکیمانه در . دیورکه : [بر قسم
انسانلرکه نسبله افتخاره چالیشیرلر ، طریق
علم و انصافدن نه قدر اوزاق دوشمشلردر ! .
بر کیمسه نك نسبله دیگر کیمسه به فخر ایتسی
مناسب اوله ماز ، چونکه اصلده بر آدم ایله بر
حوادن طوغمشلردر .]

اسلامیت : انسانلر بینده عروق و انساب
جهتیهله بر فرق کوزمیکندندرکه کوبه پر
احتشامی قطعات ارضك هر طرفنده پارلامغه
باشلامش و کوندن کونه دائرة اسلامیه داخل
اولانلرک افرادی آرتقمده بولمخشد .

أفریقا چوللرلنده یاشایان بر جوق زنجیرلرک
اسلام اولماسی اسبابندن بریده اسلامیتك
کندیلرینه نظر حقارته باقامسیدر . حال بوکه
آوروپایلر کندیلرینی حامی انسانیت عد
ایتدکاری حالده انسانیتك بر جم غفیری مجرد
عرق اسوده منسوب اولدقلری ایچون حوزة
انسانیتدن عادتاً خارج عرایدرلر .

حالبوکه اسلامیت ، عرض ایتدیکم وجه
ایله عروق و انسابه باقاز ، خصیصه انسانیه
نظر اعتباره آیروبو سببله ده بدائع لاهوتیه سته
بتون قلبلری جذب ایدر طورر .

تربیه اسلامیه نائل اولانلر انسانیتیه باشقه
بر نظرله باقار ، جمعیت بشریه نك سعادتتی

کوردکجه منشرح اولور ، کوزلرندن مسرت
نورلری صاجیلیر : بالعکس بشریتك فلا کتته
مطلع اولدقجه قلی صیزلار ، کوزلرندن اشکابه
تأثرات سرپیلیر طورر .

معلومدرکه جمعیت بشریه نك تشکلی بر
احتیاج طبیعی نتیجه سیدر . مثلاً ادوار ابتداییه
ارجاع نظر ایدیلنجه کوریلیرکه : ایکی شخصك
اجتماعندن بر کوچك عائله میدانه کیش ، صکره
بو عائله نك افرادی تکثر ایده ایده قبیلله ره ،
شعبه لره آیرمش ، دهها صوکره مختلف شعبه لره
منافع مشترک لرینی آمین ، حوائج طبیعی لرینی تطمین
ایچون تشکیلات اجتماعیه به مجبور قالمشلر .

ایشته بر رسائقه احتیاج ایله تشکل ایدن بو
جمعیتلرک آهنگ انتظامی محافظه ایچون افرادی
بیننده محبت و صمیمیت بولماسی لازمدر .

شوده معلومدرکه بعضاً بر هیئت اجتماعیه
مختلف ادیان و عناصره منسوب کیمسه لردن
تشکل ایدر ، بعضاً ده بر عنصره ، بر دینه منسوب
اولانلر مختلف هیئتلری وجوده کتیرن افراد
آره سنده بولنور .

ایشته بویله بر عنصره بر دینه منسوب اولدقلری
حالده متفرق یاشایان انسانلر ایچون لسان ، عرق
قومیت برر رابطه در . فقط بونلردن دهامکمل
بر رابطه قویه واردرکه اوده دیندر . دین ،
مختلف عنصرلری بر اشدیر ، مختلف انسانلره
بر حس علوی ، اخوت الهام ایدر طورر .

بر مات آنجق بوقابل تزلزل اولمیان رابطه
معنویه سایه سنده موجودیتی محافظه ایده بیلیر .
تاریخ بزه کوسرتیبورکه : هر نه زمان
اسلاملر آره سنده کی رابطه دینه کوشه مش ،
بینلرنده قومیت و جنسیت حسلری اوایغمه
باشلا یه رق اتحاد و اتفاقلری زواله یوزطوتمش .

آرتق محافظه حیات ایده میهرک دشمنلرینک
نیجه احتراضنه قایلیمش کیتمشلردر .

مشاهیر عربدن اکثم ؛ مرض موتنده
اولادین باشنه طویلایره رق برطاق نصایح حکیمانه ده
بولندقدن صوکره شو بیتلری انشاد ایلشدر :

• کونوا جمعاً یا بنی اذا اعتری
خطب ولا تفرقوا آحادا
تأی القداح اذا اجتماعن تکسراً
واذا افترقن تکسرت افراداً

دیسورکه : [اوغلارم ! . بر امر عظیم
توجه ایتدیکی وقت متحد بوانکنز ؛ برر برر
طاغلمانکنز . اوقلر بر آرده بولندقجه قیریلهماز
لکن طاغلق بولندیلریم تکر تکر قیریلهلر .]
آرتق ای کتله اسلامیت ! . او یانه ؛ عالم
اسلامیتک فکرآ ، عالم اتحاد و اعتلاسنه چالشمه ؛
معروض بولندینمز مختلف قولره قارشو موازنه
حیاتیه مزی غائب ایتیمهرک تأمین موقعه موفق
اولق ایچون رابطه دینی مزی حسن محافظله به
اقدام ایدلم چونکه ؛ بز او یومقده دوام ایدر ،
افتراق و اختلافه خاتم ویرمز ؛ اخوت دینی مزی
بحق تقدیر ایده مزایسه کادامه حیات ایده میهرک
محو اولور کیدرز .

عصمنا الله تعالى من ذلك .

(شریعت) ان ایله ارض و ملی :

عمر نصوحی

خطبه لر نیچون چیغیرلرندن چیقیدیلر ؟

خطبه لره ماهیتی و اکثریاً اقتدارسز
خطیب لره معنادی اولان کیفیت ادامی حقننده کی
تقید اتمزی اولکی مقاله مزده موضوع بحث
ایدوب بحث شکوی ایلشدرک . بومقاله مزده بحث
سابقک ذیل مقامنده اولق لازمکن بعض
مطالعاتی درمیان و خطبه لره ماهیت و صورت

ایرادینه دائر افکاریمیزی بسط ایلک ایسترز .
اول امرده شوراسنی بیان ایدلم که خطبه
و خطباتک مملکت مزده شوشکل غیری اکتساب
ایلشنده و فقلرک یویوک بر حصه مسئولیتلری
واردر . جناب حق ؛ اماناتی اهلارینه تودیع
ایتمی امر بویوردینی حالد بر طاقم واقفلر ؛
انشا کرده لری اولان اوقاف شریفه نک جهاتی
— منفعت خصوصیه ملاحظه سیله و یا شخصه
افراط مجلویت سببیله — بر آدمک بطناً بعد
بطن اولاد و احفادینه شرط و تخصیص ایتشدردر .
واقفلر بویله بروظیفه تعیین ایلدیکی ذات
اهلیتی و مقتدر اولایلر سده او ذلک اولاد
و احفاد مستقبله سی شرائط اهلیتی حائز اولاجفته
دائر تأمینات آلمق ممکن اولمیدیندن هنوز
اصلاب آباء و امهاتده مایه کیر موجودیت اولان
انسال آتیه نک اهلیتنامه سی تصدیق و امضا
ایله وظائف و قی آنلره توجیه ایلک امانتی
نا اهله تودیع دیلک اولقله برابر هم منافع
عمومیة اسلامیه بمعنای همه ده شروط و قی تعیین
ودرمیان ایتک صلاحیتی سوء استعمالدر . بو
دعوانک شاهد مجسمی بوکی شروط وقف
یوزندن وجود بولان بر جوق اقتدارسز ؛
خطیب زاده لر ، امام زاده لر ، متولی زاده لردر .
بو کیلرک سیه جهالتیلدرکه وظائف و قییه
ودینه نک کی هی حقها ایفا اولوغسی مشوش
و مشکل بر وضعیته کیرمشدر . اولاد و انسال
مستقبله سنک تعین سیغورطه آلتنه آلمق
حرصی و حسیله حرکت ایدرک وظائف و قییه
اولادیت شرطیه قبول ایدنلرک بو مسئولیتده
حصه دار اولملری طبیعی بولوندینی کی التزاماً
و یا مرجه نا اهلانک خفیف بر امتحان ایله
و یا خود هیچ امتحانسیز اجرای وظیفه ایتسنه
وقتیله مساعده کار بولوغش اولان مأمورین